

Izinceku Sekwawlula i-Edeni



NgeSabatha Ntambama

Kuleliviki Funda ku:

Isaya 22:14-18; 1 Kor. 4:1, 2; Kol. 2:2, 3; Efesu 6:13-17; 2 Kor. 5:10.

Indimana Yekhanda:

“Kepha njengokuba sivunyiwe nguNkulunkulu ukuba siphathiswe ivangeli, siyakhuluma ngokunjalo, singenzeli ukuthokozisa abantu kepha uNkulunkulu ovivinya izinhliziyozethu” (1 Thes. 2:4).

Umsebenzi wokuqala ka-Adamu noEva wawuhlanganisa nobunceku. Insimu nayo yonke indalo yanikelwa kubona ukuba bayinakekele, bathokoze ngayo, futhi babuse phezu kwayo (Gen. 2:15), nakuba babengesibo abanikazi banoma yini. Kunalokho, babeyizinceku zalokho uNkulunkulu ayebaphathise kona. Kuleliviki sizobukisisa ukuchazwa kwenceku, kodwa ngemuva kokungena kwesono, ngemuva kokuthi abazali bethu bokuqala bexoshiwe e-Edeni. Okusho ukuthi nathi siyizinceku, kodwa siyizinceku phansi kwesimo esehlukile kuleso uAdamu noEva ababezithokozisa ngaso.

Buyini ubunceku? Abanye abaseBhayibhelini bayabonakalisa ukuthi iyini inceku ngendlela ababephila ngayo. Ezinye izindimana zeBhayibheli zibuchaza ngokucace kangconywana. Uma siba yizinceku zikaNkulunkulu, indlela esibuka ngayo izwe namagugu alo iyaguquka, sigxile kuMdali nomsebenzi waKhe. Njengaku Adamu noEva, uNkulunkulu usiphathise imisebenzi eqhamuka ezulwini. Kusakela ekungeneni kwesono e-Edeni, umsebenzi wobunceku sewashintsha ngoba phezu komsebenzi wokunakekela umhlaba, siphathiswe ukuba yizinceku ezinhle zamaqiniso enkolo.

**Funda isifundo saleliviki ukulungisela iSabatha lika Nhlolanja 3.*

Izincku eTestamenteni eliDala

Igama elithi “incku” lihunyushwe izikhathi ezimbalwa-nje eTestamenteni eliDala. Izikhathi eziningi lithathelwe emazwini achaza “ophezu kwendlu,” okuwumqondo wokuphatha okwenzekayo endlini; okusho “incku” (Gen. 43:19; 44:1, 4; 1 Amakhosi 16:9). incku yayinomsebenzi wokongamela izindaba zasendlini kanye nempahla yenkosi yayo, yenze noma yini etshelwa yona. Incazelo yegama elithi incku eTestamenteni eliDala ingatholakala ngokubheka izimpawu zencku. Izincku azikwazi ukwehlukaniswa nobuncku bazo ngoba buchaza ukuthi zingobani.

Ezinye izimpawu zencku zidaluliwe eTestamenteni eliDala. Olokuqala, isikhundla sencku kwakungesibaluleke kakhulu (Gen. 39:41). Izincku zazikhethwa ngenxa yamakhono azo, zazihlonishwa futhi zethenjwa amakhosi azo ngomsebenzi eziwenzayo. Olwesibili, izincku zazazi ukuthi lokho eziphathiswe kona okwenkosi yazo (Gen. 24:34-38). Lo umehluko omkhulu phakathi kwencu nomni. Izincku ziyasazi isikhundla sazo. Olwesithathu, uma izincku zizisebenzisela zona lokho eziphathiswe kona, ubudlelwane bokwethemba phakathi kwazo nenkosi babuphela, izincku zixoshwe (Gen. 3:23, Hos. 6:7).

Funda kuIsaya 22:14-18. Ngesikhathi sombuso kaHezekiya, uShebina wabekwa waba yincku nomgcini-mafa, okuyizikhundla ezibaluleke kakhulu zamandla. Kwenzekani kuye ngenxa yokusebenzisa budedengu isikhundla sakhe na?

“Incku izihlanganisa nenkosi yayo. Iyayamukela imisebenzi yobuncku, futhi imela inkosi yayo, yenze njengoba inkosi beyizokwenza ukuba beyikhona. Okufunwa yinkosi yayo, kufunwa nayiyo. Isikhundla sobuncku sihloniphekile ngoba inkosi yayo iyayethemba. Uma ngandlela thize, incku ingazicabangela yona, izisebenzisele inzuzo etholakale ngokuhweba ngempahla yenkosi, seyikulahlile ukwethenjwa kwayo.”—Ellen G. White, *Testimonies for the Church*, vol. 9, ikhasi 246.

Singawufunda kanjani ngandlela ethe xaxa umqondo obalulekile wokuthi ngempela siyizincku zalokho esinakho kulokhu kuphila na? Lolo lwazi lufanele lukuthinte kanjani konke esikwenzayo na?

Izinceku eTestamenteni eliSha

Amagama amabili ayisisekelo asho “ubunceku” eTestamenteni eliSha yilawa: epitropos, elivela kathathu, kanye no oikonomos, elivela kashumi. Womabili lamagama achaza izikhundla ezihlanganisa nomsebenzi wokuphatha onikezwe inceku umnikazi. Kuwo womabili amaTestamente, eliSha neliDala, izinceku zichazwa ngalokho ezikwenzayo. ITestamente eliSha lichaza inceku ngokuziphendulela kwayo (Luka 12:48) nangokulindeleke kuyona (1 Kor. 4:2). ITestamente eliDala, kodwa, lona ligxile kakhulu ebunikazini bukaNkulunkulu kunokuchaza thina njengezinceku. Kanjalo-ke, nakuba umqondo wobunceku ufana kakhulu kuwona womabili amaTestamente, iTestamente eliSha liyenaba ngalomqondo ledlule ukuphatha ngaphakathi kwekhaya-nje.

Endabeni yenceku engathembekile (Luka 16:1-15), uJesu uyenaba ngokuchaza inceku. Isifundo saKhe siqethe okwedlula inceku egwema ukulahlekelwa yimali-nje. Kuthinta nalezo zinceku ezigwema ukulahlekelwa kwezenkolo ngokubonakalisa ukukholwa ngendlela efanelekile. Inceku ehlananiphile izolungisela isikhathi esizayo sokubuya kukaJesu ukwedlula isikhathi samanje (Math. 25:21).

Funda ku 1 Korinte 4:1, 2; Thithu 1:7; naku 1 Petru 4:10. Zisitshelani ngezinceku nobunceku na?

“Ngimvulele yini uMoya oNgcwele inhliziyi yami, ukuze kuphaphanyiswe onke amandla omqondo engiwaphathiswe uNkulunkulu? NgingokaKrestu, futhi ngiqashwe emsebenzini waKhe. Ngiyinceku yomusa waKhe.”—Ellen G. White, *Fundamentals of Christian Education*, ikhasi 301. KuLuka 12:35-48, uJesu uphinde asebenzise igama le “nceku” ngendlela yokuqhathanisa. Ukhuluma ngenceku ehlananiphile elindele ukubuya kweNdodana yomuntu, achaze nenceku embi njengalowo ongasanaki ngoba inkosi yakhe ilibele ukubuya. Inceku engathembekile seyiphenduke indlovu-kayiphikiswa, futhi iphatha ngesihluku ezinye izisebenzi. Ayisesona isibonelo semisebenzi emihle noma umphathi onomusa.

Uma samukela uKrestu, siyizinceku, ezibizelwe ukuphatha okukaNkulunkulu. Kodwa okubaluleke nangaphezu kwalokho, sidinga ukuphatha kahle amaqiniso enkolo yobuKrestu, silungisela izulu.

Funda kuLuka 12:45. Kungani thina maSeventh-day Adventist, esinenkinga ngoku “libala,” kufuneka siqaphele kakhulu ukuthi singaweli kulenkohliso na?

Izinceku Ngezimfihlakalo ZikaNkulunkulu

Funda kwabaseKolose 2:2, 3 no 1 Thimothewu 3:16. Yini echazwa yilezindimana njenge “mfihlakalo”? Ukuthi “yimfihlakalo” lena kusitshelani ngemikhawulo yolwazi esingaba nalo ngayo na?

USofari waseNahama uthi kuJobe: “Ungaziqonda yini izimfihlakalo zikaNkulunkulu?” (Jobe 11:7). Igama elithi “imfihlakalo” lisho okudidayo, okungaqondakali, okungaziwa, okungechazwe. Izimfihlakalo zikaNkulunkulu zibhalwe eMibhalweni, yize noma ukuziqonda ngokuphelele yinto ekude nokuhlakanipha kwethu. Kungakho kuthiwa yizimfihlakalo. Kufana nokuthi thina ngabanye ngabanye esibona eduze sibheke esibhakabhakeni, ngenhloso yokubona nokuncane kwalapho. Ngeke sikwazi ukubona kude kangako, ngaphandle kokuthi uNkulunkulu asembulele lokho.

Uthini uDuteronomi 29:29 maqondana nalokho esikwembulelweyo na?

Siyizinceku zezinto esingaziqondi ngokuphelele. Sazi kuphela lokho esikwembulelwe nesikuthola eMibhalweni. Ubunceku bethu obukhulu ukuphila “njengezisebenzi zikaKrestu nezinceku zezimfihlakalo zikaNkulunkulu” (1 Kor. 4:1). UNkulunkulu ufuna thina zinceku zaKhe ukuba silondoloze, sifundise, sivikele, futhi sinakekele amaqiniso ezulu esiwambulelwe. Ukuthi sikwenza kanjani lokhu, yibona bunceku obuphakeme, futhi kusho ukuthi “siphethe imfihlakalo yokukholwa ngonembeza omhlophe” (1 Tim. 3:9). Imfihlakalo enkulu kunazo zonke ukuthi sonke singakwazi ukuzizwela uKrestu, “ithemba lenkazimulo.” Icebo losindiso lijule ngaphezu kwezinto zemvelo futhi singeliqonde ngokugcwele. Ukuthi uMdali wakho konke okukhona (Johane 1:1-3) weza kulomhlaba “wabonakala ngesimo senyama” (Ellen G. White, *Manuscript Releases*, vol. 6, ikhasi 112) ukuzinikela njengomhlatshelo wezono zabantu, kuhlanganisa izimfihlakalo okubonakalayo ukuthi ngeke zize ziqondakale ngokuphelele noma kuziphi izidalwa. Nezingelosi ziyafisa ukuqonda lemfihlakalo yokuthi kungani uJesu eza lapha emhlabeni (1 Petru 1:12). Nokho, lokho ezikwaziyo kwenza sonke sidumise uNkulunkulu ngenxa yenkazimulo yaKhe nokulunga kwaKhe (bhaka kuSambulo 5:13).

Ubizelwe ukuba yinceku ngevangeli. Lokho kusho ukuthi uthwele ukuziphendulela okungakanani?

Izinceku Ngamaqiniso Enkolo

Uma sicabanga ngobunceku, sicabanga ngezinto eziphathekayo, futhi siqinisele. Kodwa njengoba sesibonile, ubunceku abugcini lapho, izipho ezingaphatheki zivela kuNkulunkulu nazo. Lezi zipho ezingaphatheki yizipho zikaMoya esiziphiwa uNkulunkulu (1 Petru 4:10) ukuze ngoKrestu, sithuthukise izimilo, sibe abantu esingaba yiyo kuYena. Kanjaloke, sidinga ukuphatha nakangcono izipho ezingaphatheki ukwedlula eziphathekayo ngoba ziyigugu laphakade.

Funda kwabase Efesu 6:13-17. Yini esiyinikwe nguNkulunkulu esidinga ukuba yizinceku ngayo na? Kubaluleke ngani kangaka kithina ukuphatha kahle lezi zinto?

“Isipho sikaNkulunkulu ukuphila kwaphakade kuKrestu Jesu iNkosi yethu (Rom. 6:23). Izwe nakho konke elisipha kona, alikwazi ukusipha usindiso esinalo kuKrestu. Usindiso, isipho esisiphiwa uNkulunkulu, iyonanto eyigugu kunazo zonke. Ukugcina iqiniso losindiso njalo phambi kwamehlo ethu kusisiza sibeke ubunceku bethu endaweni efanele nezinye izipho esiziphiwe uNkulunkulu.

“Kuphela-nje ngokusizwa ukukhanya okuvela eKalvari lapho singafunda kahle izifundo esizithola endalweni. Ngendaba yaseBethlehemama nesiphambano, akutshengiswe indlela ukulunga okunganqoba ngayo ububi, nokuthi sonke isibusiso esifika kithina siyisipho sosindiso.”—Ellen G. White, *Education*, ikhasi 101.

Usindiso olwethu ngoba uJesu wakhokha intengo engenakulinganiswa. UPawulu usho ngokusobala ukuthi: “Esinokuhlengwa kuye ngegazi lakhe, ukuthethelelwa kwezono ngokwengecebo yomusa wakhe” (Efesu 1:7). Amazwi athi “sinoku” asho ukuthi “sinokusindiswa.” Okwethu, kodwa kuphela nje ngenxa yokuthi uNkulunkulu usiphe kona. Ngakhoke kubaluleke kangakanani ukuthi sihlome zonke izikhali zikaNkulunkulu” (Efesu 6:11), ukuze omubi angasiphuci. Okuyiyona ndlela kuphela angakwenza lokhu ukuthi simvumele enze njalo, okungenzeka kuphela uma singalaleli esikwembulelwe “ezwini likaNkulunkulu” (Efesu 6:17). Ukuphepha kwethu okukhulu kutholakala ngokuthi silalele ngokukholwa ukukhanya esikuphiwe.

Phinda ufunde kwabase Efesu 6:13-17. Sizihloma kanjani izikhali zikaNkulunkulu, futhi siyizinceku kanjani zakho konke esikunikiwe kulezo zikhali na?

Ukuziphendulela Kwethu Njengezinceku

Izinceku ezihlakaniphile zaziwa ngokuzimisela kwazo ukwamukela nokusebenzisa umthetho wokuziphendulela. Ukwamukela ukuziphendulela yisinqumo esisenzayo nezenzo esizithathayo. Kuwukuvuma ubudlelwane obuphakathi kwembangela nomphumela. Ukuzimisela ukwamukela ukuziphendulela imfanelo ebalulekile esingeki sayishaya indiva uma sichaza ukuthi iyini inceku, ngoba izinceku zidinga ukuba nomqondo obheke ekutholeleni inkosi yazo okuhle kodwa. Ngaleyo ndlela-ke, lokho kuzimisela yisinqumo esichaza ubudlelwane obufunekayo inceku efanele ibe nabo noNkulunkulu.

“UNkulunkulu ufisa ukwenza abantu babe nobudlelwane obuqonde-ngqo naYe. Kukho konke ukusebenza nabantu uyawuvuma umgomo wokuthi umuntu aziphendulele. Ufuna ukukhuthaza umqondo wokuthi abantu bazimele, agcizelele nesidingo sesiqondiso siqu. Izipho zaKhe zinikwe abantu ngabanye ngabanye. Wonke umuntu wenziwe inceku yezinto ezingcwele; yilowo nalowo akafeze akuphathisiwe ngokuqondiswa yiLowo omphile; futhi yilowo nalowo uyoziphendulela ngobunceku bakhe kuNkulunkulu.”—Ellen G. White, *Testimonies for the Church*, vol. 7, ikhasi 176.

Uma siba yizinceku, ngeke sidlulisele ukuziphendulela kwethu komunye umuntu noma inhlango. Ukuziphendulela kwethu kukuNkulunkulu, futhi kuyobonakala kukho konke ukuxhumana nalabo abasizungezile (Gen. 39:9); bheka noDanyeli 3:16). Sizokwamukela umsebenzi esibhekene nawo ngawo wonke amandla ethu. Impumelelo emehlweni kaNkulunkulu izokwencika ekukholweni kwethu nobumsulwa bethu esikhundleni sokuhlakanipha kwethu namathalente ethu.

Funda ku 2 Korinte 5:10. Siwezwa kanjani lamazwi phansi kwesimo sokuthi kusho ukuthini ukuba yinceku ehlakaniphile na?

Izazi ngezenkolo nezihlakaniphi kusukela kudala zazicubungula umbuzo olukhuni ophathelene nokuzikhethela. Kodwa iMibhalo isobala: njengabantu, sinalo ilungelo lentando nelokuzikhethela. Ukuba bekungenjalo, bewungeke kwenze umqondo ukuthi siyokwehlulelwa ngezemo zethu. Kungakho-nje sinokuziphendulela, ngomusa kaNkulunkulu, wokukhetha ukwenza izinqumo okuyizona-zona kukho konke esikwenzayo, okuhlanganisa nokuba yizinceku ezethembekile ngayo yonke impahla yeNkosi.

Ukujula Nomcabango: Igama elihunyushwa ngokuthi “inceku” ezindimaneni ezimbalwa zeTestamente eliDala, alusuki ezwini elilodwa kodwa emushweni othi: asher al bayt, okusho ukuthi “lowo ophezu kwendlu.” Isibonelo, uGenesis 43:19 angahunyushwa kanje: “Kuthe sebesondela encekwini yendlu kaJosefa bakhuluma nayo ngasemnyango wendlu” (NKJV). Uma ucabanga ukuthi umndeni ohlala endlini uyingxenyane yendlu uqobo, pho yini eyigugu kumuntu ngaphezu kwekhaya lakhe? Kanjalo, inceku umuntu ophathiswe okuthile okubaluleke kakhulu, kodwa okungesikho okwakhe. Ngezindlela eziningi, lokho kwenza ukuziphendulela kube kukhulu nangaphezu kokuba bekuyokuba njalo ukuba inceku beyongamele eyayo impahla. Wona lomqondo uyaqhutshwa futhi naseTestamenteni eliSha. “ITestamente eliSha lithatha imiqondo yeTestamente eliDala, liyihlanganise nemiqondo, imicabango, namazwi angekhulu leminyaka yokuqala (1st century), ngaleyo ndlela kwenabe imfundiso yeBhayibheli ngobunceku. Okuyiwona magama ajwayelekile esiGriki asetshenziswa maqondana nobunceku asuka ku oikos no oikia, ‘indlu.’ I-oikonomos yilowo owongamele indlu: inceku noma umphathi. Igama elithi oikonomia yibizo lento engaphatheki, ‘ukongamela indlu,’ kanti umqondo walo uvame ukuba banzi kakhulu.”— *Handbook of Seventh-day Adventist Theology* (Hagerstown, Md.: Review and Herald Publishing Association, 2000), ikhasi 653.

Imibuzo Yokuxoxisana:

1. Esikhundlen sokuthatha umthwalo wokuziphendulela ngokudla kwakhe isithelo esenqatshelwe, wathini uAdamu kuNkulunkulu uma ebuzwa ngalokho ayekwenzile na? Gen. 3:12. Kuyathathekisa ukuthi esinye sezenzo zabantu zokuqala ezaletwa yisono ukudlulisela icala lakho komunye umuntu. Lokhu kuthini ngokuzimisela kwakhe ukuvuma ukuthi unokuziphendulela ngezenzo zakhe na? Kufanele kusitsheleni thina ngokwethu ukuvuma na? Singafunda kanjani ukugwema lomkhuba owejwayelekile wokusola abanye ngeziphosiso zethu na?
2. Eklasini, gxilani kulomqondo wokuba yizinceku zezinto ezingaphatheki, kodwa ezinkolo. Kusho ukuthini lokho? Sizongamela kanjani lezo zinto na?
3. Cabanga ngezizigijimi zezingelosi ezintathu eziku Sambulo 14:6-12. Yimaphi amaqiniso abalulekile atholakala lapho esinikwe umsebenzi wokuba yizinceku zawo na?
4. Kubaluleke ngani kithina ukufunda ukwethemba nokwethembela ezintweni zenkolo esingaziqondi ngokuphelele na? Yiziphi izindlela zezwe esikwenza ngayo lokho vele?